

Prognostication, astro-NOMIQUE POVR SIX ANNEES. Par M. Anthoinne
Crespin Archidamus Astrologue ordinaire du Roy.
S.l.n.d., 95 x 150 mm, 22 pp.n.ch., sign. A — C4
CF. B. LYON : RES 315 920
BENAZRA Pag.116 / CHOMARAT 138

Pronostication, astro-



ONOMIQUE POUR
VINGT NEUF ANNEES.
Par M. Anthoine Crespin Archidamus
Astrologue ordinaire du Roy.

Premierement de l'an M.D.LXXXVI.

S Eló 'qu'il nous appert par l'occulte science astronomique, la premiere saison (comme Printéps) participâte de l'humeur sanguine & de la nature de l'air, sera le Dimanche ving-troisiesme iour de Mars, en l'an M. V. LXXXVI. le Soleil entrant à trois minutes du signe d'Aries, le temps humide & pluvieux au cōmencemēt, & enuiron la fin, moyēne chaleur, seicheresse, corruscatiōs, orages, répestes, esclairs & tōnaires, qui toutesfois porterōt leger dōmage seulemēt en quelques endroits. Aduiendront aussy diuerses maladies & fieures pestilentiellés, pleuresies, apoplexie & crachemēt de sang. Les Roys & grands Seigneurs feront faire voiajes tāt lointains que pres, sur terres & mers, lesquels ne seront sans grande occasion. Le pays de Flandres sera plus tourmenté de guerre qu'il n'a encores esté: *effundetur sanguis innoxius in ista terra. Alemanni gaudebunt*

quia nouam institutionem inuenerunt, & duo cornua regnabunt in ea. Plusieurs & diuerfes calamitez tomberont és bords & limites du Rheim & ſ'y trouueront les Eccleſiaſtiques pour vn temps grandement foulez. *Populus ſine capite eligeſt ſibi principem, qui diſciplinabitur, intantum gladio, & incendio, quod admiratione dignum exiſtet..* Pendât ceſte ſaiſon la France ſe trouura plus à ſon aïſe que de couſtume, & y voirra on toute fertilité abôder ſur la terre: les pasteurs de l'Egliſe Catholique y ſeront en repos, & Dieu mieux ſeruy & honoré que de couſtume. Tous marchâs commenceront à y reprendre leur trafic ordinaire & ſemblera que le mode retourne en ſon enfance de ſiecle doré.

La deuxieſme ſaiſon de l'an 1586. commencera le Lundy douzieſme iour de Iuing, lors que le Soleil entrera à huict minutes du ſigne de Cancer: temps chaud et ſec, de la nature du feu, & aucunesfois ſubiecte à eſclairs, tōnerres, foudres & tempeſtes, leſquels cauſeront la ruine de pluſieurs clochiers, arbres, & autres choſes haultes & eminentes: nonobſtant par toute la Gaule Celtique ſe trouuera compētāment de fruiets. Ceſte ſaiſon ſera propice à vn chacun pour le fait des viures, car ils ſeront à bon marché en Frāce que par les precedētes toutesfois ne ſe paſſera point ſāſ maladies cōme fieures chaudes, charbons. peſtes & autres ſemblables chaudes maladies, principalement

vers le Lyonois & pays de Pouuëce. *Inter Electores Imperij exurget altercatio inaudita. Exiet unus nouus reformans p̄sura in Ecclesia Colonienſi, Treuerenſi & Maguntinenſi, poſt longuam diſcordiam.* La guerre ſera fort aſpre & cruelle en Flādre, Hollande & Zelande. Pluſieurs religieuſes ſacrees ſ'enfuiront & ſeront depredées & violees: pluſieurs villes & chasteaux ſeront deſmolis, *quia manus & ita principis erit plané ad vindiētam in eos.* & vne ville bié notable ſera ſaccagée, & du tout ruynee: lors *alia ſuperuenienté anguſtia requirunt pacem & non veniet.* L'Allemagne ſera aucunnemēt en trouble, heſitāt à qui elle doit donner ſecours, pour cauſe de quoy ſeront enracinees pluſieurs innimitiés, deſquelles à l'aduenir ſortiront de grands mauſx, aux deſpens du peuple: auſſi *Quidquid delirant Reges plectuntur Achiui*

En l'an 1586. l'Autōme froid & ſeiche, de la nature de la terre, de cōplexiō melar. cholique commencera le mecredy 24 iour de Septēbre le Soleil eſtant au premier degré quarante-fix minutes de libra, le temps ſe reſſentant encor des chaleurs de la ſaiſon precedēte, avec quelques petites pluyes, & à la fin ſuruiendra vn tēps obſcur, plein de frimats & petites gelees, nonobſtant il ſera fort cōmode pour le labou-
rage des terres, La peſte regnera en pluſieurs endroits, tellement que cela n'apportera rien de profit aux marchans. Aucū pays nouuelle-

ment conqesté sera en litige entre deux grans
toutesfois le tout sera en bref assopy & cōme
n'y ayant eu cōmencemēt, pour cause de cer-
taine alliance qui se fera, laquelle rendra les
subiects de l'un & l'autre costé fort cōtēs. Les
guerres és pays de Flandres, Brabant, Zelāde,
& Hollande seront assopies, *Pax, non pax, sed*
Principis misericordia. lors la desolee Flandres

*Nul ne congnoit la paix & ne l'apprenne,
Qui n'a premier fait de la guerre esprenne.*

Les chefs & principaux ēnemis du repos de
ce pauvre pays seront quasi exterminēz, & (li-
bre d'heresies, au moins publiques) l'accōmo-
dera tout le peuple soubz la crainte de Dieu,
& de son prince, en vne loy & vne foy. Gran-
de punition y sera faite de ceux, lesquels soubz
ymbre de bonne foy deceuoyēt le pauvre peu-
ple & incitoiēt à rebellō. En ceste annee ausi,
l'esmouueront ausi grandes guerres en leuāt
entre les Roys, Satrappes, Princes, Potentats
& autres telz grāds pour l'ambition de ce mō-
de de telle façō & maniere que plusieurs d'en-
tre eux y laisseront la vie pour recompense nō
sans vns excessif nōbre de peuple qui demen-
rera enuelopē en ses guerres intestines.

Encor durant ceste saison d'Autōne, en ceste
annee 1586. nous trouuons par la congnoissāce
des Astres, que ceux qui seront esleuz pour la

republicque Gauloise serôt pour ~~tres-mal-vou-~~
luz d'aucûs secrets leurs ennemis, & encor'en
naistra vne seczette enuie, entracinee au cœur
d'aucuns secrets tousiours ennemis de repos:
pour cause de quoy seront suscitez plusieurs
troubles à la court: toutesfois serôt esteintes
pour quelque espace, iusques à ce que le tēps
y mettera ordre, par la mort d'un grād persō-
nage, laquelle aduiendra en l'an 1587. estant
occasiō de separer tels ennemis, perturbateurs
de repos, pour estre appelez & euoyez à affai-
res de consequence, les vns d'une part les au-
tres de l'autre.

L'hyuer, de la nature de l'eau, plein d'hu-
meurs flegmatiques, commencera en l'annee
1586. le 12. iour de Decembre audit an, entrāt
le Soleil au dernier degré du signe de Capri-
corne: laquelle saison sera melécholique & ré-
plie de grandes froidures, comme (commen-
cement) geles, glaces, verglats, bruynes & vō-
ts impetueux, plus que par les anneés precedē-
tes: aussi au mois de Ianuier ensuiuant tombe-
ront grande quantité de neiges & gresil, qui
dureront par longue espace de temps, pour
cause de la forte gelee, laquelle durera quasi
par tout ce mois, qui sera cause que plusieurs-
riuieres seront si fort gellees que totallemēt
le traffic par eau cessera, & sera le bois autant
cher qu'il ait esté de lōg temps, Appointemēs
se traiteront pour du tout pacifier toutes re-

Publiques discordantes, en la chrestienté, pour
e fait de la Religion, & ne sera que pour vn
temps & de peu de duree, & ce pendant tou-
tes rancunes & trahisons cōspireessemblerōt
du tout effacees. A l'instant se feront plusieurs
edits & ordonnances Royaux, lesquels toutes
fois seront assez mal obseruez par la malignité
du peuple adonné par trop à toute liberté.

De grandes armées se dresseront par toute
la Chrestienté pour le faict de la Religio Ca-
tholique. Dieu vneille par sa grace, que le tout
viene à son honneur & salut de son peuple.

INSTRVCTION A TOVS

Laboureurs & Menagers, sur l'annee,

M. D. L X X X V I.

Le Printemps en l'an 1586. sera au commé-
cement humide, & enuiron la fin adonné à pe-
tites chaleurs, avec quelques grands orages
& tempestes, lesquelles en quelques endroits
porteront dōmage aux fruits des arbres, prin-
cipalement à ceux estans en lieux montueux.

Il sera meilleur ensemençer les terres de
grains ordinaires d'estre mis en terre au Prin-
tetemps, sur la fin, que au commencement d'i-
celuy. Le bled sera à prix assez raisonnable &
viēdra à meilleur marché de iour en iour, cō-
me aussi le vin. Les foings serōt à fort bō mar-
che, encores qu'en la fin de l'hyuer il s'en trou-
uera peu & bien cher. En Automne il sera
meilleur

meilleur assemēcer les terres sur la fin que au commencement. Le bois sera bien cher en hyuer, pour cause des grandes gellees. Ceste année y aura peu de sel, qui sera cause que en hyuer les chairs seront à meilleur marché.

¶ A D V E R T I S S M E N T E T
Presage sur L' An M. V. L X X X Y I I.

L' E Printemps de l'année 1587 commencera le 12. iour de Mars, lequel sera par trop froit & vêteux, fort dommageable aux fleurs des arbres, & mal propre pour telle saison. En ce temps plusieurs emotions de guerre serōt es parties occidentalles, *Anglici Britannicum Maritimis occidentalibus patientur in regnis eorum multa discrimina & vexationes plurimas. & gerēbūt multa bella inter se religionis causa: Francia tandem somniat.* La mer Occeanne sera esmeuē par gēs de guerre de diuerſes nations, gens sans adueu qui feront de grands torts aux marchans: toutesfois *erit illis momentanea & repētina infelicitas.* Il y aura quelque Prelat de bien noble maison qui par la trahison des siēs, ou par les agets de ses voisins recepuera quelque hōte ou sera prisonnier s'il ne s'en donne garde.

En l'an 1587. le 13. Iuing l'esté commencera, lequel sera chaut & sec, avec tōnerres, foudres & esclairs fort frequens, propre à la meurison de grains. mais y en aura en plusieurs endroits de versez & pourris, toutesfois cela n'empef-

chera que la recueille n'en soit bonne, par ce qu'il y en aura grande quantité. La significatiō des Astres nous menace de la mort de quelque grād Seigneur lequel aura attein̄t le tiers aage toutesfois *Non nostrum nosse tempora vel momenta qua Deus posuit in sua potestate*. Plusieurs inimizies sont promises entre coadministrateurs, en lieux proches de la France, & commenceront à se descouurir diuerses haines & querelles de ce qui pourra venir à vn grand scandale, aux despens de ceux qui le trouueront bien étrange, aussi.

Qua venit indigne poena dolenda venit.

Prions Dieu le Createur, gubernateur & sauueur des humains & pauures affligez nous preseruer des incursions des Turcs & infidels, en l'Europe & lieux circonuoisins de l'Afie. Les Allemans seront suscitez en haine les vns à l'ē contre des autres, par ceux lesquels n'aurōt aucun interest en la cause. Les François iouyrōt tousiours de repos.

L'Automne de l'an 1587. commencera le 11 iour de Septēbre, lequel sera fort pluuieux & mal propre pour le labourage des terres. Maladies de peste sera fort à craindre, car ou elle mettera le pied ce sera à bon escient. Aucuns grands, en certaines terres des appartenances de l'Espaigne, preparerōt ocultemēt quelques mal-heuretez, lesquelles ne pourront sortir à plain effect en ce qu'ilz pretendoyent, toutes-

fois ce sera tousiours à la foule du peuple. Aux gens de guerre n'est rien promis de bon, ains sont menacez d'emprisonnément, au moins quelque Seigneurs, soit pour l'auoir merité, ou pour obuier à ce que l'on ne voudroit voir.

L'hyuer de l'an 1587. commencera le Dimanche 13. iour de Decembre, lequel des le commencement sera froid & de longue duree, quasi iusques à pasques. Durât ce temps regneront diuerses maladies, comme defluxions cattherreuses, toux, crachement de sang, pleuresies, apoplexie, paralisie, gouttes, flux de ventre & plusieurs autres maladies, procedantes d'humeur melancholic. Et iustice sera grandement obeye en France, à l'imitatiō que le prince sera plus craint & redoubté que iamais, allās toutes affaires à souhait & au soulagement du peuple. Plusieurs subsides & impositions seront leuees & les tailles bien diminuees en aucuns endroits. *Exurget noua lex, & nouus ordo, vetera abrogentur* Le peuple François s'estudira du tout à entretenir le repos, cōme las des guerres passees, & sera le tout changé de bien en mieux. Durât ceste annee quelque femme illustre sera vollee, ou elle finira piteusement ses iours. vn homme docte est menacé en son hōneur, & en ses biens & vie.

AVX LABOUREURS ET
Ménagers, sur l'Année. 1585.

En l'an M.V.LXXXVII. le printemps sera froit vêteux, assez mal propre pour les granis & fera beaucoup meilleur de semer les legumes sur le tard que au commencement. L'Esté sera chaut & aucunnement trop sec pour les grains. Il sera beaucoup de foing & à bon marché en la saison. Ce qu'il y aura de bleds serót bons & reuiendront à plus que s'il y en auoit d'auantage, & se gardera bien longuement. Le bois sera à fort bon marché en Esté, & en hyuer il encherira de la moitié. Les vins auront esté assez chers sur le printemps mais ilz viendront à prix raisonnable approchant la saison desquelz y en aura grande quantité. L'Autó sera fort moite & peu commode pour le labourage. Les vins seront plus chers pendát les vādanges que aprez. L'hyuer sera fort rude & de bien longue duree. Toutes chairs seront cheres, mais le pain & le vin serót à bon marché.

PRESAGE ASTRONOMIQUE,
De L'An M.D.LXXXVIII.

EN l'an 1588. le Printemps commencera le vnziésme iour de Mars, lequel sera froit & contraire au labourage & venue des biens de la terre. Plusieurs fieures regnerót desquel-

les sera bõ estre exempt: pour³ estre incurables
*Inter Arragonnenses & Hispanos erit turbatio &
 dissensio magna, & ad inuicem preliabuntur, nec ero
 pax inter eos donec unum regnum ipsorum sit penitus
 destructum. Ciuitates terribilissimè & potētissimè ca-
 pientur. Mercatores artifices male habebunt: Legum
 doctores tristabūtur. Multa nobis significata hic desūt,
 quae nūc causa omitto. Haec Deus sua pietatē euertat.*

L'Esté de la susdicte année 1588. commencēa
 le vnzième iour de Iuing, lequel sera assez
 chaut & humide. Plusieurs maladies regnerōt
 & incurables, pour n'estre écores cōgnue leur
 qualité aux medecins, esquelles ils perdront
 tout iugemēt. En certaines ditiōs & prochai-
 nes, *Multi ciues depauperabuntur: Vae terris pueri
 Heu! varia orientur incommoda, tam in clero quam
 populo, non verentur sui exterminare loca sancta, Serp-
 entium genera uiuant: tamen in finē superstes &
 dominatrix Ecclesia, uiuet in aeternum.* Grandes é-
 treprinſes & en diuers lieux & endroits, serōt
 faites, lesquelles de plus en plus tenderont à
 la vexatiō & ruine du peuple. Vn pays du tout
 ruyné & le peuple fuyāt ne sçaura à qui auoir
 recours fors à Dieu, recours des pauures deso-
 lez. Par les cruels & entre eux seront exercees
 de grandes cruaultez: *Fratrum erit rara geatia.*

Priōns Dieu que par sa misericorde il luy plai-
 se diuertir les mal-heurs & sinistres auenemēs
 desquels certaine nation est menacee par le
 cours & influence des Astres. *Astra inclināte*

quidem, sed non cogunt. Quelque Seigneur fera vne entreprinse, de laquelle outre qu'il n'y acquerra guerres d'honneur, & voudra pour beaucoup n'y auoir pensé: aussi telle chose quasi n'auroit iamais sçeu tomber en memoire d'homme. Les Ecclesiastiques & Theologiens ferôt leur deuoir en leurs charges & vacatiôs, pour cause dequoy ils retireront infinité de personnes perdues lesquels auroyent esté abusez par leur grande simplicité.

L'Automne en l'an 1588. cômencera le mardy treiziesme iour de Septembre, lequel sera si remply de pluyes & mal commode pour assèmenter les terres, que les laboureurs anciens diront n'en auoir vëu de long temps vn pareil pour cause dequoy de iour en iour les grains encheriront de beaucoup, dont sera grand pirié, par ce que avec ce mal-heur aussi ne se trouuera que bien peu d'argent entre gens de basse qualité. Maladie de peste regnera bien fortes bords & riuages du Rhosne & Garonne, tellement qu'en plusieurs endrois on aura autât de necessité de viures, côme les maladies y seront facheuses & molestes.

L'hyuer de l'an 1588 prendra cômencemēt le 12. iour de Decembre, le Soleil entrant au signe de Capricorne, & sera dès le commencement adonné à grâdes froidures, lesquelles continueront assez long temps, tel temps estât fort incommode pour les vieilles gens, lesquels se

fort debilitiez, pour cause des maladies lors regnantes, à eux grandement nuisibles. Ceste presente annee nous promet plusieurs maladies comme vertigènes, de teste, colliques passions, flux de ventre, verrolles & autres infirmittez corrosiues, grands vents & plusieurs troubles.

AVX LABOUREURS ET

Menagers, sur l'annee. 1588.

POUR cause que le Printemps de l'an M.V. LXXXVIII. sera froid & muable, les biens de la terre seront de beaucoup incommodéz, parquoy les grains commenceront de iour en iour à encherir: aussi il y en aura faulte en plusieurs endroits, pour les auoir laissé transporter en pays estrange. Les vins seront bien chers durant l'Esté & n'amoindriront de rié iusques à ce que les vendanges soyent faites. Le foing sera bié cher en hyuer à cause de sa longue duree. Les chairs seront à assez bon marché tout au long de l'annee. Les fructs des arbres auront esté bien rares, à grand peine, au moins bien chers les recouureront en hyuer. Le bois aussi sera autant cher qu'il ait esté de long temps.

ADVERTISSEMENT ET

Presage sur l'an. 1589.

Ceste année de l'an M.D.LXXXIX. participera aux effets de la précédente, & couvrent en plusieurs choses avec elle: mais outre les significations esquelles elle communique: Nous menace d'abondant de grands appareilz de guerre, à cause de la venue d'vng cruel & barbare estranger. Plusieurs de la noblesse tédront à telle deffectiō iusques à secretement conspirer contre les magistrats & les magistrats contre elle. L'estat Ecclesiastique sera exposé à plusieurs dangers & persecutiōs de sorte que plusieurs changemens viendront tant és polices qu'en ladiète Religion.

Le printemps de l'an 1589. cōmencera le 11. mars, & sera bien moderé en tout, parquoy les biens de la terre prendront grand amendement, qui causera que à l'aduenir & quasi à vn instant le bled viendra a fort bon marché. Maladies fort dangereuses regneront, comme fiebres pestilentieles & sinoches, flux de sang coliques, douleurs d'estomach & autres plusieurs diuerses contagieuses maladies. Diuisions seront tousiours entre co-administrateurs, *eorum ira pernitio animis*. Grand preparatif de guerre sur la mer Occéane, lequel toutesfois sera de peu d'effect. Les Geneuois seront en grand doubte pour le trouble esmeu en quel-

Iste

Isle voisine: Dieu vueille engarder.

L'esté de l'an 1589. prendra son commencement le 12. iour de Iuing, & sera chault & sec bien commode pour les fruiçts des arbres & grains de la terre. Vers l'Alemaigne s'ouueront plusieurs querelles entre certains potentats, lesquelles somelleront quelques années l'ennemi de la foy Chrestienne s'efforcera d'enuahir certaine Isle assise directement au Soleil de midy & s'y fera des infidelles tel carnage, q'au l'aduenir ils differeront beaucoup de retourner sur la ditiõ Romaine, & ne se pourra dire autrement, sinon que ce aura esté par vn grand & euident miracle, de sorte que plusieurs embrasseront la sainte loy, renonceans au paganisme. Dieu le vueille.

L'Automne de c'est an 1589. se ressentira encor aucunement des chaleurs de l'Esté, & en la fin sera vn peu pluuiex, tẽps propice pour la semaison des terres, ce qui esiouyra grandemẽt le Labourcur. Maladies de peste regneront en plusieurs endroits, lesquelles auront esté durant l'esté fort pernicieuses vers le Languedoc. Plusieurs Princes Chrestiens seront empeschés pour assopir les dissentiõs esparses tant en Alemaigne, Italie, Espaigne q' autres lieux de la Chrstienté, lesquelles il semblera estre si enracinees es cœurs des hõmes qu'elles soyẽt quasi impossibles d'estre pacifiques: toutesfois le tout puissant par sa grace y metra la main.

C

En l'an 1589. l'hyuer prendra son commencement le mardy 12. iour de Decembre, lequel commencement nous menace de grandes neiges, lesquelles dureront bien long temps, pour cause des alpres gellees: sur la fin de l'hyuer les dictes neiges feront occasion de grâds débordemens d'eaux, lesquelles feront és vallees vn tresgrâd dommage, tant és edifices que es terres ensemencees. Vers la grand Bretaigne aucuns Seigneurs de long temps mal contents, prepa- de grands tumultes & seditions pour occasions lesquelles sembleront raisonnables, mais vaines & pleines de trôperie: toutesfois elles viendront à grand malheur pour aucuns, lesquels pour estre trop assurez, cognoisteront la subite varieté de fortune, à leur interest.

AVX LABOUREURS ET

Mesagers, l'Annee. 1589.

EN l'an 1589. pour endre du bon portemēt de la saison printaniere la terre receuera avec toute commodité les grains lesquels lors serōt mis en terre, & à ceste cause tous viures seront à bon marché & de plus de iour en iour Il ne sera guerres de foing, mais il sera bon. Le bois sera à bon marché, l'Esté, & n'encherira guerres en hyuer. Il sera grâd foison de grains Les vins seront au plus cher sur le printemps & les vignes feront bon rapport ceste année,

& sera à bon marché durât la vandage. Toutes seront à bon marché sur l'Automne, pour cause de la cherté du sel.

ADVERTISSEMENT ET

presage sur l'An. M.V.Lxxxx.

Pourcequ'il la benignité des vents, sera en la resolution de ceste année puissante à l'aduenant, & se trouuera située en lieu du ciel fort bon. nous aurons l'année toute paisible & foisonnante en biens excepté que sur le commencement de l'année se presenteront quelques occasions de mal à l'aduenir ainsi & plus amplement sera traité en la suivante prediction.

En ladite année la premiere saison prendra commencement le Dimenche vnzième iour de Mars, laquelle sera au commencement pleine de petites pluies, & incontinent sera seiché & bien comode, tant pour le labourage, grains estans en terre, que generally pour toutes sortes de fructs. En ceste saison commenceront à pulluler diuerses sortes de chaudes maladies, fort dangereuses, & entre autres, les ieunes gens en seront les moins exempts. *Italis & Longobardos morientur multi ex fluxu sanguinis.* Les petits enfans seront aussi fort tourmentez de vers, desquelz plusieurs mourrôt avec grandissime tourment. Grande police sera par la gail-

le, & iustice sera en maiesté sise à son trosne.
Vers le pays d'Angleterre y aura plusieurs
grands affaires à desmesler, & sera bon à quel-
ques vns n'en prendre point de cüre.

En ladiöte annee. 1590. l'Esté commēcera le
mardy douziēme iour de Iuing, lequel se por-
tera tout de la facon que le printēps, au com-
mencemēt vn peu p'uiueux, puis chaut & sec,
iusques à la fin. Durāt ce temps les Astres no^r
anōncent la mort d'vn grand Seigneur, l'absē-
ce duquel fera grande necessitē à l'aduenir, &
sera appaisē pour quelque temps, par la simu-
lation des Ambassadeurs, lesquels pallieront
les affaires, *sed quod differet ut non auferetur.*

Automne commencera en l'an. 1590. le Vé-
dredy 14. iour de Septembre, lequel sera moi-
te & humide. Durāt cestē saison regnerōt plu-
sieurs diuerſes maladies bien cōtagieuses. Les
estudes commenceront à se remettre suz: tou-
tesfois les gēs doctes serōt bien rares, & d'au-
tant plus requis & honorez, *Propter necessitatē.*
Aucūes nouuelles serōt ouyes, lesquelles n'ap-
porteront guere de resiouissance, & partāt cō-
uiēdra auoir recours vers Dieu, lequel peruer-
tit & meüē souuent ce qui luy plaist, de bien
en mieux. Les Astres nous menacent icy de
quelque cruauté & massacre, lequel se cōme-
tera par gēs des-aduoüez, desquels la pluspart
seront puniz par Iustice. Plusieurs & diuers
monstres naisteront, lesquels ne presageront

guerres que malheur pour l'aduenir.

En ladiète année 1590. l'hyuer commencera le Meccredy 12. de Decembre lequel sera assez doux au cōmencement, mais à la fin plein de grandes & extresmes froidures serōt veuz . mprimez en la face du Ciel plusieurs signes merueilleux, lesquelz ne signifront aucun aduancement pour lez desuoyez de la religiō Catholique, desquelz plusieurs conspirateurs seront descouuerts, & leurs entreprinſes vaines, & ce vers l'occident & Septentrion.

Grandes guerres par telz signes nous seront aussi demōſtres aduenir en plusieurs endroitz de l'Allemagne, Italie, & Angleterre, tāt entre les grands Sēigneurs que Ecclesiastiques: notamment grands malheurs sont promis aux Occidentaux, pour le faict du differend de la Religion Catholique, & Romaine, laquelle y sera plantee ou elle n'auoit esté, & restitue mieux que au parauant és lieux esquelz on n'en faisoit geueres de conte.

A V X L A B O V R E V R S E T
Menagers sur la fertilité & abondance des
biens, en l'année. 1590.

L'Abondance des biens en l'année 1590. sera si grande que les laboureurs les plus anciens eussent point veu de plus grande: parceque le printemps sera fort propre pour le la-

bourage & bien d'uisant pour les fleurs des arbres, & venue de tous les biens de la terre. Il n'y aura pourtant fort grande quantité de foings, mais ils seront bien bons. Les vignes se porteront fort bien & sera la vendange assez hâtive: Les vins seront biens meurs & d'avantage y en aura grande quantité. Toutes chairs seront a bon marché, même le sel. Le bois ne sera par trop cher, encores que l'huyet sera rigoureux.

ADVERTISSEMENT ET *Presage sur l'an. 1591.*

LE Printemps de l'an. 1591. commencera le 12 iour de Mars, & sera ceste saison froide & par trop humide: les biens de la terre n'auront le temps par trop commode. En ceste saison, au mois de may plusieurs puissantes planètes s'assembleront (environ le sixiesme iour dudit mois) en la sortie du signe des poissons, la conionction desquelles sera finie en l'année. 1592. ensuiuant, de l'association de toutes les planètes, & ce aduendra le 30. iour du mois de mars, dudit an. 1591. laquelle conionction nous trouuons signifier choses bien merueilleuses & surpassantes l'édement humain car il semble naturellement telle assemblee predire le second aduenement de nostre seigneur Iesus Christ: Aussi semblable conioncti-

on est apparue du regne d'Auguste Cæsar, quel
que temps parquât l'incarnation du fils de Di-
eu, au ventre de la Vierge Marie. Et ceste grã-
de conionction aduient sur la fin du triangle
aquatique, lequel avec ces conionctions finira
tellement que les autres conionctions lesquel-
les suivront apres ledict triangle seront tou-
tes ignees, iusques à plus d'un siecle en apres,
que suivront les conionctions en signes ter-
restes: puis en aërez & de rechef en aquatiques
& ne peuvēt reuenir les aquatiques, que pour
vng chacun des autres signes ne se passant
bien deux cens ans, & ce seroit surpassé le sixi-
esme millenaire depuis la creation du monde.
Donc nous disons que telle conionction peut
nous inuiter de nous mettre tousiours en orai-
sons & prieres, craignant l'heure que nous de-
uons rendre cōte de nos actiōs durāt ceste vie
ne voulant toutesfois dire que ce annonceast la
consommation du monde, car ce secret Dieu
la à soy seul reserué. Mais d'autant que nous
approchons sur le sixiesme millenaire, telles
conionctions pourroyent bien signifier que le
temps approche, en ce que parauant l'aduene-
ment du Seigneur en ce mode, telles conioñti-
ons nous seroyent apparues en la face du ciel
aussi souuent Dieu nous faiēt scauoir la sa vo-
lonté par l'inclinatiō des Astres. Trois Soleils
ou Cometes refulgentes furent veuz la mes-
me nuit que le Messias, nostre Sauueur Iesus

Christ, naquist de la glorieuse Virge Marie? Fust-ce pour neant? Les trois Roys furent conduits par vne mesme Comete ou Soleil. La prophetie de ce Souuerain seigneur, touchât la ruine & destruction de Ierusalem, n'aduint elle incontinent aprez que sur ladicte ville furent veuz plusieurs signes & prodiges, non naturels, imprimez au Ciel? Quand à moy ie ne puis pēser que telle Comette, ou autre Soleil, soit veuz sans grande occasion, la signification de laquelle (i'ose asseurer) passe tout entendemēt humain. Et n'est possible que telles coniōctions esquelles tout à esté commencé, ne signifient quelque chose de grand, dequoy pour cause ie me tais, & ne voudrois estre si impudent que de parler de ce qui n'appartient à hōme humain, & dequoy mesmes les Anges ne sçauent aucune chose, car Dieu (comme i'ay dit à retenu cela pour luy seul. Il est vray que Dieu nous faict aucunesfois, sçauoir par ses luminaires celestes, quelque chose de sa volonté.

De l'An mil cinq cens quatre vingts & douze.

MARs ceste année sera dominateur, dont ses effets seront esmerueillables, d'autant que en ceste reuolution escheut les effects de quatre Eclipse à sçauoir deux Solaires, & deux Lunaires, ce que ie pense n'auoir iamais trouué: pour ce à mō iugement doiuent aduenir plusieurs cas horribles & lamentables accidēs, desquels nous auōs discouru en la precedente exposition. Mais entre ceux là, nous sommes menacez de la desloyauté des seruiteurs, qui cōtre tout droit & equité entreprendrōt plusieurs meschancetez cōtre leur maîtres: les voisins grāds Seigneurs entreront en contentiou, qui possible excitera des seditions populaires, de longues pluyes, inondations tempestes & naufrages se descouurirōt, qui seront cause de la desolation de quelque Prouinces & villes maritimes. Bref vn cas admirable sera veu pour raison de quelque trespassez, & de leur successiōs: finalement les maladies cōtagieuses regnerōt en tous lieux. Le printēps sera muable en plusieurs diuerses qualitez, & serōt gresles qui corróperont la plus part des grains qui commenceront à croistre. l'Esté sera de presque semblable constitution, & regneront quelques bruyes accompagnée de gelee blāche, qui causeront perte pour les fruidts, tellement que par nos mières & calomnies pour aduertissemēt & corrections de nos opprobres, Dieu nous enuoye

quelque famine ou sterilité, mais ce ne sera pas en sorte de la famine, qui a couru en l'année, mil cinq cens quatre vingts & six, car lors sera bien heureux qui trouuera champ pour faire glanne car d'autant que les hommes se sont insinuez, la prerogatiue de commāder & ordonner en taxe de vil pris, les biens si habondās que Dieu nous fait, & donē luy ont cōme voulu attribuer vne punition s'estimās Dieux eux mesmes, en disant ce que i'ay tu l'acheteras pour le denier douze, & Dieu en leur endroit n'estans de leur facture cōmande par expres que le douze denier soit remis à vn, & se sçachant biē deffendre de leur entreprinse vipere & vituper est sur point: de leur faire vne nouvelle ordōnance, si nous cherchōs les moyēs d'appaiser son ire. Et d'autant qu'aujourd'huy les petits sont deiectez hors de leur compte, cōme il est vray semblable que les plus aduancez opulans, & restaurez de tous biens en abondāce, font peu de compte du necessiteux & pauvre affligē, toutesfois aucuns meuz par pitié telle quelle, ou pour estre estimez charitables à doner s'ingerent de faire vne aumosne, sçachās bien sur lesquels à l'instāt ils s'en doiuent recourir, tellemēt qu'ils mynent les vns pour apauvrir les autres, dis-ie aduancer, & sont tellemēt coustumiers d'vne main faire l'autre, & faire disposition de tout droit & equité, selon leur folle fantaisie, qu'au lieu d'vne serpe pour bien vendāger font vne faux pour bien semer, & d'autāt qu'en temps si abondāt des beneficences si grādes, que Dieu nous donē & monstre à l'œil, d'auoir com-

miseres & calamitez: possible aussi captiuitez se
promettēt aux Saturnes & Lunetiques. Pour ce-
la ne se doiuent asseurer les Mercurialistes & Io-
uialistes: car ils ne seront en moindre dāger que
les autres, & ce à raison de la fureur & violence
de Mars. Les biens de la terre foisonneront, qui
seront de mauuaise nourriture: pour ce y aura
disette de bestial & de cheuaux: les peres & me-
res encouront plusieurs dommages, à cause de
leurs enfans. Or il conuient diligemment noter
qu'en la figure celeste & vernale, c'est Annee se
rencōtre quatre Planettes en leur deiectiōs, qui
est chose de mauuais euenement, & qui seroit
enuoyent occurrence, ou si ceux d'une seule,
mais qui fust notable, & de grande importāce y
estoiēt entremeslez. Le Printēps sera fascheux,
nebuleux & humide, mais l'Estē & l'Autōne se-
ront attrempez. La vendange sera abondante,
& les biens de la terre en grande suffisance.

*De l'An mil cinq cens quatre vings
& quatorze*

LA reuolutiō presente signifie nouvelles he-
resies, & à raison de ce changement & degast
en la vray Religion: ne promet aux personnes
Ecclesiastiques: & aux principaux ne leur pro-
fession qu'une mal-heureuse vie, ou plustost vne
mort violēte, en l'electiō de la spiritualité & es
assemblees des Princes sera vsé de fines ruses &
cōseils. Tous arts liberaux, toutes bones discipli-

nes & estumes tomberont en langueur . toutes pratiques questieuses seront en vertu , plusieurs dâgers sur les chiëmins empescherôt les voyages lettres & pacquets seront surprins par les gensdarmes qui contiendront la Châpaigne. Ou attentera par poison à la personne d'un grâd Seigneur, ou d'une Roïne. Aussi quelques villes anciennes se trouueront menacees & violentees. L'humidité sera si grande, que les biës de la terre en seront corrompus , ou deffaudront la pluspart . Les maladies seront catareuses avec debilitation de cerueau, & reumes fort dangereuses.

*De l'An mil cinq cens quatre vings
& quinze.*

Les significations de la precedëte année, peuvent estre accômodees à cest cy , car en l'une & l'autre les effects de l'Eclipse du Soleil sont en vertu . Dauantage est menacé vne Dame de noble maison, ou vn Prince effeminé de pauvreté & d'exil : quelques thresors seront pillez , & pource aduiendront grandes seditions : diuerfes especes de maladies affligeront le monde : mais tout cela aduiendra és Prouinces Occidentales. Diuerfes nouueautez aussi se diront , & sera vne seule bergerie & vn seul berger, & tous ayderont de bô cœur à Iesus-Christ, à porter la croix, ceux qui naistront en ceste année , seront furieux & belliqueux, & seront amis d'hommes cruels.



QUATRIÈME CENTVRIE.



De l'An mil cinq cens quatre
vingts & seize.

*Là où la foy estoit si ra rompue,
Les ennemis les ennemis païront,
Fen, Ciel, plerra, ardra, interrompue,
Nuit & entreprises, chef, querelles naïssens.*

EN la reuolutiō de cest an, se trouuera beaucoup d'amitez, feintes & simulees, avec la ruptüre d'une cōfederation auparauant accordee, ie trouue la descente d'un cruel estrange qui ne nous amenera que seditions & troubles, qui ferōt suyure infinis degasts en nos pays, plusieurs se defferont par delespoir, plusieurs periront de mort soudaine, nommément qui sont de complexion Saturnienne & Martiale, les vns serōt impetueux, les fraudes & mésonges en vertu les changemens, perils & difficulté seront fort à craindre en la religiō. & en l'Etat des gēs d'Eglise. Quelque secrets ennemis se mettrōt en peine pour empoisonner vne Dame de biē grāde maison. Il faut noter pour la cōstellation de cest annee, que les effects viennent de trois Éclipses, desquelles se trouuent deux Lunaires & vn Soleil, à cause dequoy les euenemēs seront plus dāgereux, les maladies seront contagieuses & diuerses par pluresies.

*De l'An mil cinq cens quatre vings
& dixsept.*

EN ceste annee y aura grāde conuenāce entre les eff. cts & ceux de la precedēce consideré que la totale signification se décharge sur les calamitez & trouoles de la religiō, & de l'estat des Ecclesiastiques. Mesme qu'elle nous menace de chemins dāgereux d'impetuosité de vens de dissensōs & noies és assembles des prinſes & d'une infinité d'impostures fraudulentés. Avec ce qu'une Royne est prestē d'encourir dāger de sa vie & de ses biens. Le Printēps sera venteux, facheux maling & nebuleux, & mauuais pour les biēs de la terre. En l'Este regnerōt grādes pluyes, avec tonnerres & tremblemēt de terre. La maiſon sera assez ſterille ſieure, tierces & quartes regnerōt, l'Autonne sera ſec & froid, & l'Hyuer sera froid & long par l'intēperance des corps sera mortalité entre gens percluz & anciens, les iardins ne rendront pas des fruiĉts, la vigne peu de raisin, parquoy regnera cherté.

*De l'An mil cinq cens quatre vings
& dixhuiĉt.*

LE Soleil ayant la dominatiō de ceste Annee fait ſignificatiō que ceste reuolution preſage longues pluyes, qui causeront grandes maladies, & s'eſleuera guerre cruelle & dōmageable

mort & emprisonnement de quelques grâs Seigneurs tant ſeculiers que Eccleſiaſtiques à caule dequoy pluſieurs mutatiōs ſuruiendront és affaires publiques . C'eſt choſe obſervable qu'en ceſte année ſe doiuent ioindre les effets de deux eclipses de l'une de Soleil, & l'autre de Lune, toutes deux de bié grande importāce pour ce peuple Chreſtien, penſe hardimēt à toy, leue ton eſprit au Ciel, & ſois prudent en ton affaire, & ne fait pas regner la famine en tēps plain d'abondāce, pour euitier que l'on ne coupe l'herbe deſſous le pied, & ne diſpoſe plus ainſi follemēt des benefices que Dieu nous faiēt & donne, & faiēt à Dieu toute diſpoſitiō, car l'homme ne peut ſimplement que propoſer en priant, & Dieu peut diſpoſer à ſa volonté, laiſſe regner la famine en toute patience, quand Dieu nous l'enuoycra, & ne ſois ſi eſtourdy de toy-meſme entreprendre de la faire regner, car c'eſt à Dieu ſeul qu'appartiennēt toutes ces choſes à ſa volonté, & nō à la noſtre, luy ſuppliant qu'il luy plaiſe ne nous pas punir comme nous le meritons, & qu'ayāt temperé ſon hōneur par la famine, il ne nous la donne à bon eſcient, & que le pain que l'on vend trente ſols n'en puiſſe valoir que vingt.

Ainſi ſoit-il du Vin.

F I N.